

鞬單于烏珠留單于立以第一闕氏子樂為左賢王以

第五闕氏子輿為右賢王

師古曰此二人皆烏珠留之弟也第一闕氏即上所謂大

闕氏也第五闕氏亦呼韓邪單于之闕氏遣子右股奴王烏鞬牙斯入侍漢

遣中郎將夏侯藩副校尉韓容使匈奴時帝舅大司馬

票騎將軍王根領尚書事或說根曰匈奴有斗入漢地

直張掖郡

師古曰斗絕也直當也

生奇材木箭竿就羽

師古曰就大鶚也黃

頭赤目其羽可為箭竿音工旱反○宋祁曰注鶚當作鵬如得之於邊甚饒國家有

廣地之實將軍顯功垂於無窮根為上言其利上直欲

從單于求之

師古曰直猶正爾

為有不得傷命損威

師古曰詔命不行故

云傷根即但以上指曉藩令從藩所說而求之

師古曰自以藩

命也